

AeU penuh permintaan pasaran ICT

» Pusat pengajian beri peluang pekerja berkaitan industri mahir bidang ICT

Bagi meneruskan pemantapan dalam pembangunan tenaga kerja khususnya bidang teknologi, Asia e University (AeU) terus membangunkan beberapa program akademik berteknologi Maklumat dan Komunikasi atau ICT yang menjurus kepada kehendak globalisasi.

AeU beriltizam memberi peluang kepada mereka yang sudah bekerja dengan pengetahuan berkaitan industri dan kemahiran teknikal terutama dalam bidang ICT.

Sesiapa saja yang berminat de-

ngan ICT boleh meneruskan pengajian peringkat Ijazah Sarjana Muda atau Sarjana di AeU yang membekalkan pembelajaran teknikal seperti sistem maklumat, kejuruteraan perisian, rangkaian komputer dan multimedia perkomputeran.

Program ICT di AeU

Di AeU, Sekolah Teknologi Maklumat dan Komunikasi menawarkan tiga program Sarjana Muda iaitu Sarjana Muda Teknologi Maklumat & Komunikasi, Sarjana Muda Digital Media Kreatif dan Sarjana Muda Teknologi (Teknologi Maklumat) yang memfokus kepada kefahaman asas dan prinsip tentang sains komputer serta senario semasa industri ICT.

Sementara di peringkat Sarjana, terdapat program Sarjana Pengurusan Teknologi Maklumat & Komunikasi yang lebih men-

jurus kepada kaedah dan aplikasi pengurusan ICT.

Program berkenaan direka khas untuk melengkapkan pelajar dengan konsep teori dan analisis yang menyediakan mereka untuk mengharung cabaran serta kompleksiti dunia teknologi maklumat yang dinamik dan bersifat global.

Kursus yang ditawarkan dibentukkan dengan kerjasama pakar dalam bidang berkaitan dan mereka dalam industri. Pelajar akan memperoleh kemahiran yang tinggi dan pengetahuan teknikal melebihi pengalaman mereka.

Pelajar boleh mengambil pelbagai kursus utama berkaitan pekerjaan mereka serta kursus elektif sama ada berkaitan teknikal atau pengurusan.

Ini bermakna pelajar juga memperoleh kemahiran bukan teknikal seperti kepemimpinan, komunikasi dan pengurusan per-

niagaan. Perkongsian idea dan pandangan daripada rakan sekelas yang bekerja dalam industri yang sama dapat memberikan kesan optimum dalam pembelajaran serta kelebihan berbanding dengan rakan sekerja mereka.

AeU menerapkan pendekatan terkini dalam program ICTnya seperti projek berorientasikan praktikal atau project based learning serta pembelajaran berasaskan kerja atau work-based learning yang memberi peluang kepada pelajar membuat tugas berdasarkan tanggungjawab kerja semasa yang berkaitan ICT di syarikat di mana mereka bekerja.

"Kami memperkenalkan kaedah pembelajaran berasaskan kerja (work-based learning) dalam program ICT bagi menghubungkan pelajar dengan kerja semasa mereka supaya program yang dipelajari akan relevan dan mempersiapkan mereka dengan isu serta cabaran yang berkaitan dengan mereka di tempat kerja," kata Dekan Sekolah Teknologi Maklumat dan Komunikasi (SICT) AeU, Profesor Dr Syed Malek Fakar Duani.

AeU mengaplikasikan mod Pembelajaran Teradun menerusi tiga metodologi iaitu Pembelajaran Kendiri, Pembelajaran Langsung Dalam Talian dan Pengajian Bersemuka supaya pelajar dapat belajar dengan lebih efektif. Laman sesawang khas yang diberi nama Personalised Learning Space (PLS) membolehkan pelajar mengakses dan memuatnaik material pembelajaran lebih awal pada bila-bila masa di mana saja mereka berada mengikut jadual mereka.

Tambahan kepada program akademiknya, SICT menawarkan pelbagai program eksekutif secara perkongsian strategik dalam bidang teknologi maklumat seperti Teknologi Komputer, Teknologi Pemasaran Internet, Pembangunan Perisian, Open Source Computing, Open Source ERP serta Pengurusan Proses Perniagaan.

Sistem Pengajian Fleksibel di AeU

Program ICT di AeU ditawarkan melalui sistem pengajian jarak jauh fleksibel atau Open Distance Learning (ODL) di mana golongan profesional boleh mengikutinya tanpa perlu berhenti kerja. Ia juga peluang untuk seseorang itu meningkatkan kerjayanya seterusnya mendalami serta mengkhusus kepada bidang ICT yang diminati.

Begitu juga dengan mereka yang bekerja dalam industri ICT kerana bilangan

graduan bidang ini yang meningkat setiap tahun.

Sistem ODL yang mudah dan fleksibel membolehkan pelajar merancang pengajian. Tidak seperti pengajian universiti konvensional, pelajar AeU tidak menghadapi tekanan untuk menamatkan pengajian dalam tempoh masa yang ditetapkan sebaliknya mereka digalakkan agar mencapai keseimbangan dalam kerja, pelajaran dan kehidupan peribadi.

Secara kebiasaannya pelajar perlu memiliki kelayakan diploma atau ijazah sarjana muda mahupun kelayakan setaraf atau daripada organisasi yang diiktiraf untuk memohon program sarjana atau sarjana muda. Namun, AeU memberi peluang kedua kepada pelajar yang tidak memiliki pendidikan formal yang sedemikian tetapi mempunyai pengalaman bekerja yang berkaitan.

Sistem Kemasukan Terbuka dikhususkan kepada golongan berkerjaya dengan mempertingkatkan pengalaman bertugas di dalam bidang yang relevan. Mekanisme seumpama ini menyediakan peluang kedua kepada golongan dewasa yang tidak mampu melanjutkan pelajaran ke universiti atas kekangan kehidupan seperti kesempatan kewangan, tahap pencapaian akademik yang tidak memenuhi kriteria universiti atau faktor lain.

Insentif Kewangan Pelajar di AeU

AeU sentiasa mendengar dan meneliti sebarang masalah pembelajaran khususnya yang berkait dengan status kewangan dan kemampuan para pelajar agar mereka dapat menjalani proses pembelajaran dengan selesa. Di samping yuran pengajian yang kompetitif serta fleksibel, AeU menyediakan pelbagai insentif kewangan untuk membantu meringankan beban para pelajar iaitu seperti berikut.

1. Biasiswa Kecemerlangan AeU bagi pelajar cemerlang setiap semester
 2. 10 peratus diskaun dalam Skim Kesetiaan Pelajar (student loyalty scheme)
 3. 10 peratus diskaun bagi setiap pembayaran penuh yuran pengajian setiap semester
 4. 50 peratus diskaun bagi Warga Emas yang berumur 55 tahun ke atas
 5. 75 peratus diskaun bagi Orang Kelainan Upaya
 6. Biasiswa MyBrain15 bagi program pasca siswazah
- Pinjaman pembiayaan juga boleh dipohon daripada Perbadanan Tabung Pendidikan Tinggi Nasional (PTPTN) atau melalui pemotongan tabungan KWSP. Selain daripada itu, pelajar yang layak boleh membuat tuntutan dana latihan daripada Kumpulan Wang Pembangunan Sumber Manusia (HRDF) yang ditadbir oleh Pembangunan Sumber Manusia Berhad (PSMB).